

Na osnovu člana IV . 4. a) Ustava Bosne i Hercegovine, Parlamentarna skupština Bosne i Hercegovine, na 50. sjednici Predstavničkog doma, održanoj 1. aprila 2009. godine, i na 28. sjednici Doma naroda, održanoj 27. aprila 2009. godine, usvojila je

ZAKON O IZMJENAMA I DOPUNAMA ZAKONA O POLICIJSKIM SLUŽBENICIMA BOSNE I HERCEGOVINE

Član 1.

U Zakonu o policijskim službenicima Bosne i Hercegovine („Službeni glasnik BiH“, br. 27/04, 63/04, 5/06, 33/06, 58/06, 15/08 i 63/08) u članu 2. stav (1) mijenja se i glasi:

„(1) Ovaj zakon primjenjuje se na policijske službenike zaposlene u Državnoj agenciji za istrage i zaštitu (SIPA), Graničnoj policiji Bosne i Hercegovine (u daljnjem tekstu GP: BiH) i Direkciji za koordinaciju policijskih tijela Bosne i Hercegovine (u daljnjem tekstu :Direkcija)“.

Stav (2) briše se.

Dosadašnji st. (3) i (4) postaju st. (2) i (3).

Član 2.

U članu 39. tačka d) riječ „ovim“ briše se.

Član 3.

U članu 53. stav (1) riječi: „Policijskom odboru iz člana 121. ovog zakona“ zamjenjuju se riječima: „Odboru za žalbe policijskih službenika“.

U stavu (3) riječi: „Policijski odbor“ zamjenjuje se riječima: „Odbor za žalbe policijskih službenika“.

Član 4.

Naziv POGLAVLJA VI. mijenja se i glasi: “POLICIJSKO ŠKOLOVANJE I STRUČNO
USAVRŠAVANJE KADROVA“.

Član 5.

U članu 55. stav (1) iza riječi: “kadeti u“ dodaju se riječi: „Agencija za školovanje i stručno usavršavanje kadrova“, a riječi: „policijskim akademijama ili drugim odgovarajućim školama i oblicima obrazovanja policijskih kadrova“ brišu se.

Stav (2) mijenja se i glasi:

„(2) Ministar sigurnosti (u daljnjem tekstu: ministar) usvaja nastavne planove i programe obuke, na prijedlog Agencije za školovanje i stručno usavršavanje kadrova, uz prethodnu saglasnost policijskih tijela“.

Iza stava (2) dodaje se novi stav (3) koji glasi:

„(3) Ministar usvaja pravilnik kojim se regulira trajanje osnovne obuke i obaveze kadeta u toku obuke, na prijedlog policijskog tijela, uz prethodnu saglasnost Agencije za školovanje i stručno usavršavanje kadrova“.

Dosadašnji stav (3) postaje stav (4).

Član 6.

U Poglavlju VI. naziv Odjeljka 2. mijenja se i glasi: „Stručno usavršavanje“.

Član 7.

Naziv člana 57. mijenja se i glasi „Stručno usavršavanje“.

Stavovi (2) i (3) mijenjaju se i glase:

„(2) Sadržaj i oblik stručnog usavršavanja utvrđuje podzakonskim aktom ministar, na prijedlog Agencije za školovanje i stručno usavršavanje kadrova, uz prethodnu saglasnost policijskih tijela.

„(3) Policijski službenici učestvuju u stručnoj obuci (kursevima, seminarima i sl.)“.

Član 8.

Član 60. mijenja se i glasi:

„Član 60.

Procedura izbora i imenovanja

Direktor i zamjenik direktora policijskog tijela imenuju se u skladu sa Zakonom o nezavisnim i nadzornim tijelima policijske strukture Bosne i Hercegovine i zakonom kojim se uspostavlja policijsko tijelo“.

Član 9.

Član 62. mijenja se i glasi:

„Član 62.

Uslovi za razrješenje

Rukovodilac policijskog tijela i njegov zamjenik mogu biti razriješeni dužnosti prije isteka mandata:

- a) na lični zahtjev;
- b) ako mu je konačnom odlukom izrečena disciplinska mjera zbog učinjene teže povrede radne dužnosti;
- c) ako je osuđen za krivično djelo, osim za krivično djelo iz oblasti sigurnosti saobraćaja;
- d) ako se utvrdi da je aktivni član političke stranke;
- e) ako se na osnovu mišljenja nadležne zdravstvene ustanove utvrdi da je trajno spriječen da obavlja dužnost“.

Član 10.

U članu 63. stav (3) u tački b) riječi: „Policijskom odboru iz člana 121. ovog zakona“ zamjenjuju se riječima: „Odboru za žalbe policijskih službenika“.

Član 11.

U članu 64. stav (5) riječi: „Policijskom odboru iz člana 121. ovog zakona“ zamjenjuju se riječima: „Odboru za žalbe policijskih službenika“.

Član 12.

U članu 68. stav (5) riječi: „Policijskom odboru iz člana 121. ovog zakona“ zamjenjuju se riječima: „Odboru za žalbe policijskih službenika“.

Član 13.

U članu 79. stav (3) riječi: „Policijskom odboru iz člana 121. ovog zakona“ zamjenjuju se riječima: „Odboru za žalbe policijskih službenika“.

U stavu (4) riječi: „Policijski odbor iz člana 121. ovog zakona“ zamjenjuje se riječima: „Odbor za žalbe policijskih službenika“.

Član 14.

U članu 81. stav (4) riječi: „Policijskom odboru iz člana 121. ovog zakona“ zamjenjuje se riječima: „Odboru za žalbe policijskih službenika“.

Član 15.

Naziv člana 84. mijenja se i glasi: „Naknade policijskim službenicima“.

Iza stava (1) dodaje se novi stav (2) koji glasi:

„(2) Naknade policijskom službeniku su plaća, dodaci i ostale naknade propisane Zakonom o plaćama i naknadama u institucijama Bosne i Hercegovine“.

Dosadašnji stav (2) postaje stav (3).

Član 16.

U članu 111. stav (1) riječi: „Policijskom odboru iz člana 121. ovog zakona“ zamjenjuju se riječima: „Odboru za žalbe policijskih službenika“.

U stavu (2) riječi: „Policijski odbor“ zamjenjuje se riječima: „Odbor za žalbe policijskih službenika“.

Član 17.

U članu 112. stav (5) riječi: „Policijskom odboru iz člana 121. ovog zakona“ zamjenjuju se riječima: „Odboru za žalbe policijskih službenika“.

Član 18.

Naziv POGLAVLJA XIV. mijenja se i glasi: „ODBOR ZA ŽALBE POLICIJSKIH SLUŽBENIKA“.

Član 19.

Član 121. mijenja se i glasi:

„Član 121.

Uspostavljanje i nadležnost Odbora za žalbe
policijskih službenika

- (1) Odbor za žalbe policijskih službenika je nezavisno tijelo Vijeća ministara s nadležnostima utvrđenim članom 9. Zakona o nezavisnim i nadzornim tijelima policijske strukture Bosne i Hercegovine.
- (2) Odbor za žalbe policijskih službenika nadležan je za donošenje odluka po žalbama koje podnesu policijski službenici protiv odluka koje su donijela policijska tijela BiH u pogledu statusa policijskog službenika ili u slučajevima propusta policijskog tijela da donese odluku u pogledu statusa policijskog službenika.
- (3) Odluke Odbora za žalbe policijskih službenika su konačne i moraju se izvršiti bez odgađanja, s tim da mogu biti predmet sudskog preispitivanja u skladu sa zakonima

Bosne i Hercegovine, a dostavljaju se podnosiocu žalbe i policijskom tijelu u roku od osam dana od dana donošenja.

- (4) Odbor za žalbe policijskih službenika odlučuje o žalbi u roku od 30 dana od prijema žalbe, osim žalbe na odluku o suspenziji, o kojoj odlučuje u roku od tri dana.
- (5) Žalba podnesena Odboru za žalbe policijskih službenika odgađa izvršenje odluke policijskog tijela, osim žalbe na odluku o suspenziji.
- (6) Odbor za žalbe policijskih službenika obrađuje podatke i vodi evidencije u skladu sa zakonom i drugim propisima“.

Član 20.

Član 122. mijenja se i glasi:

“Član 122.

Sastav Odbora za žalbe policijskih službenika

- (1) Odbor za žalbe policijskih službenika ima sedam članova, od kojih su četiri policijski službenici, a tri državni službenici.
- (2) Članovi Odbora za žalbe policijskih službenika, koji su policijski službenici, moraju imati najmanje čin samostalnog inspektora. Od ukupnog broja članova, najmanje pet članova moraju biti diplomirani pravnici.
- (3) Svaki policijski organ predlaže ministru po dva policijska službenika za članove Odbora za žalbe policijskih službenika, a koje ministar predlaže Vijeću ministara na izbor i imenovanje, na mandat od četiri godine.
- (4) Član Odbora za žalbe policijskih službenika mora biti nezavisan u svom radu i nepristrasan.
- (5) Član odbora za žalbe policijskih službenika može biti razriješen dužnosti prije isteka svog mandata po proceduri propisanoj Zakonom o nezavisnim i nadzornim tijelima policijske strukture u Bosni i Hercegovini.
- (6) U Odboru za žalbe policijskih službenika moraju biti zastupljeni svi konstitutivni narodi“.

Član 21.

Iza člana 122. dodaje se novi član 122a. koji glasi:

„Član 122a.

Postupak i način rada Odbora za žalbe policijskih službenika
utvrđen poslovníkom o radu

Postupak i način rada Odbora za žalbe policijskih službenika, u mjeri u kojoj nisu propisani Zakonom o nezavisnim i nadzornim tijelima policijske strukture Bosne i Hercegovine, utvrđuju se poslovníkom o radu Odbora za žalbe policijskih službenika koji usvaja Vijeće ministara“.

Član 22.

U članu 123. stav (1) datum “31.7.2008. godine“ zamjenjuje se datumom „31.12.2010. godine“.

Član 23.

Član 127. briše se.

Član 24.

U članu 129. stav (1) iza tačke 2. dodaju se nove tačke 3. i 4. koje glase:

- „ - o nastavnim programima i planovima obuke;
- o trajanju osnovne obuke i obavezama kadeta u toku obuke;“.

Dosadašnje tač. od 3. do 10. postaju tač. od 5 do 12.

Stav (2) briše se.

Član 25.

U članu 131. tačka 3. briše se.

Dosadašnja tačka 4. postaje tačka 3.

Član 26.

Ovlašćuju se ustavnopravne komisije oba doma Parlamentarne skupštine Bosne i Hercegovine da zajednički utvrde prečišćeni tekst Zakona o policijskim službenicima Bosne i Hercegovine (“Službeni glasnik BiH“, br. 27/04, 63/04, 5/06, 33/06, 58/06, 15/08 i 63/08) najkasnije u roku od tri mjeseca od dana stupanja na snagu ovog zakona.

Član 27.

Ovaj zakon stupa na snagu osmog dana od dana objavljivanja u „Službenom glasniku BiH“.

PS BiH broj 342/09

27.aprila 2009. godine

Sarajevo

Predsjedavajući
Predstavničkog doma
Parlamentarne skupštine BiH
Beriz Belkić, s.r.

Predsjedavajući
Doma naroda
Parlamentarne skupštine BiH
Ilija Filipović, s.r.